

**TERMA DAN SYARAT**  
**PERADUAN KONGSI KISAH ANDA**

1. **Peraduan Kongsi Kisah Anda** bertujuan untuk mendorong peminjam berkongsi pengalaman mereka sebagai peminjam PTPTN serta menerapkan nilai-nilai murni dan memberi inspirasi kepada orang lain melalui penghasilan video yang kreatif dan menarik di media sosial.

**TEMPOH PERADUAN**

2. Tempoh peraduan pada **1 November 2024 sehingga 30 November 2024**.
3. PTPTN mempunyai hak mutlak untuk menukar atau meminda tarikh peraduan ini sekiranya perlu dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalender sebelum tarikh tersebut.

**KELAYAKAN**

4. Terbuka kepada semua peminjam PTPTN.
5. Peraduan ini **LAYAK** disertai oleh semua peminjam PTPTN **KECUALI** kakitangan PTPTN dan ahli keluarga (merangkumi pasangan dan anak-anak).

**CARA PENYERTAAN**

6. Peserta hendaklah menghasilkan video yang kreatif dan menarik sama ada dalam Bahasa Melayu atau Bahasa Inggeris mengenai **pengalaman sebagai peminjam PTPTN** dan menerapkan nilai-nilai murni.
7. Durasi video **tidak melebihi 3 minit**.
8. Peserta perlu muat naik video ke akaun Facebook/ Instagram/ TikTok berserta *hashtag* **#KongsiKisahAnda** dan **#CeritaPTPTN** serta perlu memastikan profil akaun media sosial ditetapkan kepada mod **Public**.
9. Peserta perlu tag akaun rasmi media sosial PTPTN, **@PTPTNOfficial**.
10. Video perlu dimuat naik **sebelum atau selewat-lewatnya 30 November 2024**.
11. Peserta perlu mengisi borang penyertaan melalui Google Form di pautan: <https://bit.ly/PeraduanKongsiKisahAnda> selewat-lewatnya 30 November 2024.

## **PERATURAN KANDUNGAN, LAGU IRINGAN, PAKAIAN DAN LAIN-LAIN**

12. Kandungan video mestilah bersesuaian untuk tontonan semua lapisan umur dan masyarakat.
13. Pakaian peserta hendaklah bersesuaian, kemas, sopan dan tidak dibenarkan memakai pakaian yang mencolok mata.
14. Peralatan yang digunakan dalam kandungan video dan aksi yang mendatangkan risiko keselamatan adalah tidak dibenarkan.
15. Kandungan, pilihan lagu atau sebarang audio dan peralatan yang digunakan dalam video **TIDAK BOLEH** mengandungi sebarang elemen/ unsur-unsur negatif, menyentuh sensitiviti keagamaan, perkauman dan politik serta melibatkan mana-mana agensi lain.
16. Peserta dibenarkan untuk muat naik lebih daripada satu (1) video, tetapi hanya layak memenangi satu (1) hadiah sahaja.

## **PEMILIHAN PEMENANG**

17. Pemenang akan dipilih berdasarkan kriteria berikut:
  - i. Kualiti video dan audio yang menarik dan jelas;
  - ii. Kandungan mesej dan nilai-nilai murni;
  - iii. Kreativiti dan idea; dan
  - iv. Suntingan dan kekemasan.
18. Keputusan pemenang yang diumumkan oleh PTPTN adalah **muktamad**. Sebarang surat menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan bagi mana-mana situasi.

## **HADIAH DAN TUNTUTAN HADIAH**

19. Peminjam yang layak berpeluang menangi hadiah berikut:

PEMENANG	HADIAH TUNAI (RM)	BILANGAN PEMENANG
Pertama	3,000.00	1
Kedua	2,000.00	1
Ketiga	1,000.00	1
Saguhati	400.00	10

20. Pemenang akan dimaklumkan melalui e-mel/ media sosial rasmi PTPTN, @PTPTNOfficial atau kaedah penyampaian lain yang bersesuaian.
21. Hadiah berbentuk ganjaran tunai yang dimenangi akan dikreditkan ke dalam akaun pinjaman pemenang sebagai bayaran balik pinjaman dalam tempoh **DUA (2) BULAN** daripada tarikh pengumuman pemenang.

22. **Jika jumlah baki pinjaman pemenang kurang daripada nilai hadiah yang dimenangi,** sebarang lebihan daripada hadiah tersebut, akan dikreditkan ke dalam akaun **Simpan SSPN Prime** pemenang yang dibuka untuk diri sendiri. Sekiranya pemenang tidak mempunyai akaun, pihak PTPTN akan membuat pembukaan akaun tersebut secara **pre-opening**.
23. Sekiranya pemenang telah selesai membuat bayaran balik pinjaman, hadiah tunai akan dikreditkan ke dalam akaun **Simpan SSPN Prime** pemenang yang dibuka untuk diri sendiri. Sekiranya pemenang tidak mempunyai akaun, pihak PTPTN akan membuat pembukaan akaun tersebut secara **pre-opening**.
24. Hadiah yang dimenangi tidak boleh dipindah milik atau ditukar sama ada sebahagian atau keseluruhannya kepada bentuk lain selain yang ditetapkan oleh PTPTN.
25. Jika pemenang didapati tidak memenuhi syarat-syarat untuk mengambil bahagian dalam peraduan ini atau menebus hadiah yang diberikan, PTPTN berhak untuk membatalkan atau mengambil semula hadiah dan menganugerahkan hadiah yang sama kepada pemenang yang lain sebagaimana yang ditentukan oleh PTPTN.
26. Pemenang perlu menanggung semua kos tuntutan hadiah dan kehadiran ke majlis penyampaian hadiah, jika berkenaan.
27. Pemenang hendaklah bertanggungjawab ke atas apa-apa caj yang boleh dikenakan terhadap mereka di bawah undang-undang, jika berkenaan.
28. Hadiah perlu dituntut oleh pemenang dalam tempoh **DUA BELAS (12) BULAN** daripada tarikh cabutan. Pihak PTPTN tidak akan melayan sebarang tuntutan selepas tamat tempoh tersebut.
29. Sekiranya pemenang meninggal dunia, waris yang sah boleh menuntut hadiah dalam tempoh **DUA BELAS (12) BULAN** daripada tarikh cabutan.
30. Pemenang atas warisnya dianggap telah melepaskan hak mereka jika gagal menuntut hadiah dalam tempoh yang telah ditetapkan.
31. Keputusan pemenang yang diumumkan oleh PTPTN adalah muktamad. Sebarang surat-menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan bagi mana-mana situasi.

### **PERUNTUKAN UMUM**

32. Penyertaan peminjam di dalam peraduan ini adalah atas risiko peminjam sendiri. PTPTN tidak akan bertanggungjawab di atas sebarang kecederaan, kehilangan, kerosakan atau tuntutan akibat penyertaan tersebut.
33. PTPTN berhak meminda, membatalkan atau menambah mana-mana terma dan syarat di dalam peraduan ini sama ada secara keseluruhan dengan memberi notis awal melalui laman web rasmi PTPTN/ media massa/ paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari

kalender. Pindaan, pembatalan atau penambahan tersebut adalah dianggap mengatasi pernyataan seperti mana yang terkandung di dalam bahan promosi pengiklanan yang berkaitan dengannya. Untuk mengelakkan keraguan, sebarang pembatalan, penamatan atau penggantungan kempen ini oleh PTPTN tidak akan memberi hak kepada mana-mana peminjam untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut.

34. PTPTN berhak untuk meminta peserta menurunkan atau memadamkan posting yang didapati tidak memenuhi terma dan syarat yang ditetapkan atau yang dianggap tidak sesuai.
35. PTPTN berhak membatalkan sebarang penyertaan tanpa sebarang notis, sekiranya didapati peminjam tidak layak dan tidak mengikut terma dan syarat yang telah ditetapkan.
36. Peminjam adalah dinasihatkan untuk melayari laman sesawang PTPTN dari semasa ke semasa untuk menyemak terma dan syarat serta mengambil maklum atas sebarang perubahan atau pindaan kepada terma dan syarat ini.
37. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya.
38. PTPTN berhak membatalkan sebarang penyertaan tanpa sebarang notis, sekiranya didapati peminjam tidak layak dan tidak mengikut terma dan syarat yang telah ditetapkan.
39. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung pertandingan ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
40. Sekiranya terdapat percanggahan terma dan syarat peraduan ini di dalam bahan pengiklanan, promosi, publisiti dan bahan-bahan lain berkaitan dengan peraduan ini, maka terma dan syarat di dalam laman web rasmi PTPTN adalah yang muktamad. Sebarang perkara mengenai kempen yang tidak dinyatakan dalam terma dan syarat adalah bergantung kepada budi bicara mutlak pihak PTPTN.
41. PTPTN boleh menggunakan penyertaan peminjam termasuk tanpa terhad kepada gambar, video, lukisan, teks, dan kandungan atau maklumat lain yang dikemukakan untuk tujuan promosi (secara kolektif dinamakan "Bahan"), dan nama peminjam, dan/ atau persamaannya, untuk tujuan pengiklanan, publisiti dan promosi mana-mana barang atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Peminjam hendaklah melakukan segala perkara yang perlu untuk tujuan ini jika diminta oleh PTPTN.
42. Segala surat-menjurat yang dihantar ke alamat terakhir mengikut rekod PTPTN adalah dianggap telah diserahkan kepada peminjam.

*Nota: Anda dinasihatkan untuk membaca dan memahami Terma & Syarat penuh  
Peraduan Kongsi Kisah Anda*

***Maklumat dikemas kini pada 28 Oktober 2024***